



# 张謇全集

第六卷

# 张謇全集

第六卷 日记  
张謇研究中心  
南通市图书馆 编  
江苏古籍出版社

96.671  
548  
:6

060630

张謇全集  
PDG

(苏)新登字006号

本书出版得到国家古籍整理出版规划小组资助

张 睿 全 集

---

编 者：张睿研究中心 南通市图书馆  
责任编辑：胡多佳  
出 版：江苏古籍出版社（邮政编码：210009）  
发 行：江苏省新华书店  
印 刷：扬州印刷厂

---

850×1168毫米 1/32 印张165.625 插页42  
1994年10月第1版第1次印刷  
字数：4,141,000 印数：1—2,000册

---

ISBN 7-80519-615-X/K·300  
定 价（精装全七册）：220元

---

（江苏古籍版图书凡印刷、装订错误可随时向承印厂调换）

# 目 录

## 目 记

同治十二年(1873).....	( 1 )
同治十三年(1874).....	( 11 )
光 绪 元 年 (1875).....	( 47 )
光 绪 二 年 (1876).....	( 80 )
光 绪 三 年 (1877) .....	( 119 )
光 绪 四 年 (1878) .....	( 148 )
光 绪 五 年 (1879) .....	( 168 )
光 绪 六 年 (1880) .....	( 189 )
光 绪 八 年 (1882) .....	( 197 )
光 绪 九 年 (1883) .....	( 214 )
光 绪 十 年 (1884) .....	( 221 )
光 绪 十 一 年(1885) .....	( 242 )
光 绪 十 二 年(1886) .....	( 259 )
光 绪 十 三 年(1887) .....	( 268 )
光 绪 十 四 年(1888) .....	( 282 )
光 绪 十 五 年(1889) .....	( 296 )
光 绪 十 六 年(1890) .....	( 306 )
光 绪 十 七 年(1891) .....	( 319 )
光 绪 十 八 年(1892) .....	( 332 )
光 绪 十 九 年(1893) .....	( 348 )
光 绪 二 十 年(1894) .....	( 358 )
光 绪 二 十 一 年(1895) .....	( 369 )

光绪二十二年(1896)	( 377 )
光绪二十三年(1897)	( 388 )
光绪二十四年(1898)	( 404 )
光绪二十五年(1899)	( 418 )
光绪二十六年(1900)	( 431 )
光绪二十七年(1901)	( 448 )
光绪二十八年(1902)	( 462 )
光绪二十九年(1903)	( 477 )
光绪三十年(1904)	( 523 )
光绪三十一年(1905)	( 546 )
光绪三十二年(1906)	( 567 )
光绪三十三年(1907)	( 586 )
光绪三十四年(1908)	( 594 )
宣统元年(1909)	( 612 )
宣统二年(1910)	( 632 )
宣统三年(1911)	( 645 )
民国元年(1912)	( 665 )
民国二年(1913)	( 675 )
民国三年(1914)	( 688 )
民国四年(1915)	( 702 )
民国五年(1916)	( 713 )
民国六年(1917)	( 724 )
民国七年(1918)	( 734 )
民国八年(1919)	( 744 )
民国九年(1920)	( 754 )
民国十年(1921)	( 764 )
民国十一年(1922)	( 776 )
民国十二年(1923)	( 787 )

民国十三年(1924)	( 802 )
民国十四年(1925)	( 812 )
民国十五年(1926)	( 822 )
<b>窗翁自订年谱</b>	<b>( 827 )</b>





## 同治十二年(1873)

### 九 月

四日 父亲去西亭。俞步青去。仲厚来。写致孙师信。梓卿来。饭毕诣琬卿谈。周菊山来索书，姜某来。晚饭后为伯厚酌定伊尊人行述。写致吴莲卿信，读《姚姬传先生集》。

初五日 早起，写西亭信，写联、扇。饭毕诣石渔师谈。偕枚生诣叔英馆。叔英来，晚饭后琐话。写少轩信。

初六日 早晨，叔英去。写菊师信，寄海师信，写折扇子，写徐耀南扇。石师、枚兄、叔英来。接彦升信、敬轩信。写彦升挽叔枚联。饭晚啖蟹。留叔英宿。

初七日 七舅去。复敬轩信，接菊师信。琬卿致扇索书。石师招往，啖面饼。琬卿来，未遇。写凤沼扇、晓芙信。同三哥谈家事。

初八日 雨。检旧时佚稿，读《姬传先生集》，写字。晚饭后同三哥小谈。早睡。

初九日 晴，早起，过节。还伯厚尊人行述。招少牧、叔英茶话。晓芙来，两月之别，彼此以事未畅叙，林叶竞落，茶烟积阴，匆遽分襟，恨何如也。琬卿来，写字未竟，晚饭后读《姬传先生集》。少谷函来索书。

初十日 梓卿、瘦梅来。写字，录途中诗草。诣琬卿送行不值。读《姬传集》。诣少牧、叔英谈，晚饭后偕叔英返。

十一日 早。叔英去，写楹联，仲厚来，写少谷、馥畴信。伯厚来，有重九后二日怀韵棣诗。灯下为友酌时艺两篇。

十二日 早，为友酌时艺两篇。培哥自源昌索菊花一种。饭后写字，仲厚来。晚诣梓卿，接父西亭信，写穆如信。读《姬传诗集》。

十三日 读大宗师、人世间、应帝王、徐无鬼诸篇。写西亭信。晓棣函招，是夕置酒，枚生、石渠、蜚卿同座。馥畴未至。宿晓棣处。

十四日 早，同枚生琐谈。招馥畴来，晚饭后与晓棣握谈良久。写栢之楹联。

十五日 早，馥畴去，别晓棣返，行数十武犹遥遥驻送也。道过刘宅，偕叔英归。酌书院月课卷题“樊迟从游于舞雩”一节，童一句诗“松菊犹存。”

十六日 晏起。接菘师<sup>①</sup>太夫人讣。誊月课卷，写晓沧楹联，写馥畴、晓棣信。薛陶庵招饮北寺。闻十五日开榜之信，同少牧返，抵家月当午矣。

十七日 早，叔英来，子谦送菊来，子文来，丽先来。写字。接父西亭信，早睡。

十八日 读《姬传古今诗抄》，写字。梓卿来，饭后诣叔英、少牧谈，薄暮归。无事早息，与叔英夜话至漏三下。

十九日 叔英去。接敬轩信，寄仲星信，缴课卷，写字。瘦梅来。接晓棣信。纷传海籍中茅、秦二人、通籍中六名。是时万感苍茫，百端交集。及复询晓棣、少牧、馥畴，始知其讹。写菊师信，托子文带往。接王免携回父西亭信，知父十七去通。理籍事卷，回忆蚕丛险厄，亦不知若何度过。念头上公曲折成就此事，名心复因而淡矣。少牧来。

二十日 培哥去下沙。仲厚来。写字，瘦梅来，少英来，谈良久。子文携来菊师、王学师信。是日传各处新捷讯，风声鹤唳，纷纷

① 菘师指王菘，名汝骥，海门师山书院院长。



不一，余自知康了矣。三场辛苦，徒结灯火之缘；千里往来，权了文章之债。穷达信有命，念群公知遇之恩，不能不耿耿于方寸耳。叔英来。成《榜后感怀》四律。三更，父自西亭归，得知通属只中三人，为泰兴翟伯恒，通冯俊升、沈汝奎。接穆如信。

**二十一日** 晏起。写梅孙、馥畴信。仲厚来。写字。录诗寄晓棣、枚生。午后觉微寒，卧。是夕头胀目眩，汗出如浆，夜半始就睡。

**二十二日** 晏起，腰痛头晕犹是也。招子谦未来，招梅玉如先生未来，延雅三先生未来。

**二十三日** 病，雅丈来诊。

**二十四日** 早，头目少觉清朗。午后馥畴来，强起。雅丈来诊。撰定挽叔枚联，浼雅丈书。文酒旧论心，频年嘘拂相关，入座每教芬齿颊；蘼芜嗟隔面，此日风流顿尽，登床空自叹人琴。是日复受风。馥去。夜则寒热大作，自此迁延床蓐，寝不成寐，中宵辄呼号，一室为之不安。至廿九日，服子谦药，大汗，病势稍轻。织云为乃郎授室，凡三招，及彦升信来，皆不报。至十月初旬，连进梅丈、子谦、雅丈药，渐就清晰。病中楮枕成送伯厚诗。十一日甫能下床，然足力犹孱弱也。写穆如信，闻又楼中副车。来问疾者众，皆忘不能记。

## 十 月

**十二日** 写雅峰、馥畴信。菊师寿不克往祝。培哥去。

**十三日** 观《聊斋》、《楹联丛话》。烟锄<sup>①</sup>、蔼卿来。

**十四日** 起。录集成联语。招叔英、雅丈来。子谦、仲厚来。

**十五日** 起。仍招叔英。自是渐思餐饭，而腕力悬悬，作书犹

<sup>①</sup> 秦烟锄，名驾鳌。海门人，为张之父执，订为忘年交。

顛不能禁。同鶴卿、烟鋤、叔英看迎神。

十六日 起，看《聊齋志異》。發寒熱。彥升來，抵暮去。

十七日 復發寒熱，延雅丈診。

十八日 仍寒熱，雅丈來診，藥後稍愈。寫信、稟。

十九日 起，寫梁筱師、王子師、孫海師信，稿成。馥疇來談，薄暮去。叔英來。

二十日 起，寫眷梁師賀稟。手猶戰戰，字迹如嬰兒學步，勉強支持。寫孫小播信。

二十一日 寫致敬軒信、穆如信、義門叔信。眷王子師稟。腕力稍覺健旺。叔英、仲厚來小談。燈後曉芙來索書。飯庫頓進。寫少谷信。錄所集聯語。

二十二日 眷孫師稟。叔英來，瞿姑丈來看新闢墨。

二十三日 緘各處書函，復寫穆如信。曉芙函索闢墨。子謙來診。菊師囑烟鋤來招，知斤試為念七取齊。父返。

二十四日 遣張大去城，瞿姑丈去，錄信稿，集聯，烟鋤來談。寫沛之、冀階信。還冀階聯扇。

二十五日 石兄去。臨《坐位帖》。烟鋤來談。子謙、藻江來，曉芙來。聞荐卷信，然未確也，寫寄彥升信。

二十六日 枚生、叔英來閑話。整赴海裝。

二十七日 烟鋤來。曉芙道過小話。大風，去海不果叔英來。

二十八日 早，理裝，詣海，凌風栗六不覺倦。詣曉芙寓。

二十九日 同叶笙、醴泉理結。晚馥疇來，晤少田。燈下同菊師談。接培哥寄來穆如、梁公信，送來小聯。

三十日 同叶笙、醴泉理結。陳安卿昆季來。寫穆如信。晚詣馥疇、曉芙、叔英、烟鋤寓。

## 十一月

**初一日** 五更起送考。枚生、少谷来。晚诣馥寓。

**初二日** 早诣陈安卿寓、馥寓、于晓芙寓早膳。往西街晤叔英拜言墨林刊名片。诣烟锄不遇。知试题为“为政以德，王道之以德未冠不可胜食也。斧斤次禹之行水也。”二句，诗“经书满腹中”。偕叔英之枚生寓。晚馥来。饭毕同往少丈处谈。浼纯夫诊。

**初三日** 早往馥寓，少谈，觉微寒，知为初一日早寒侵骨，病防小愈，一时任意盛气哉。假馥疇榻卧，进纯夫药，汗。晚枚生、翼孙来。起同翼孙返馆后进药，夜汗。

**初四日** 早，枚孙来。起写家信，托梓卿带去不果。厅试草案出，冠军者为刘玮，晓芙、叔英皆非前茅，缘交卷迟也。是夕闻诸童闹聚厅署争让，颖川公为没字碑，倒置是非，菊师去部署，乃解散。

**初五日** 起。翼孙约去署前散步，遇纯夫。晓芙邀夜饮，访叔英不值。返觉微寒，拥被卧。馥疇来。延纯夫诊，未来。函辞晓芙之席。家中遣人送衣来。灯时起，晚饭毕旋睡。是日安卿来。

**初六日** 起偕翼孙闲谈，知昨日初复点名毕，诸生童群攻典史阮某，为伊禽睹率捉老诸生黄某，且出言侵及各生也。又大让枚生、质斋、少谷、冀墀、徐野梅来。家又遣人来。遣黄价去沈施两处。往文昌宫索戴库书粮串。晚馥疇来谈。读彦升信。雨。

**初七日** 起，未许时觉微寒，卧。枚孙来索书。汗过起。晚饭同叶笙手谈。

**初八日** 诣文昌宫。偕晓芙候叔英。遇天池，托传语家中。服药。托叔英购物。彦升来谈。少田来。顷之，莲云、若愚暨众来。宵深就枕。

**初九日** 早往彦升寓。寄渭璜信、实甫联。还彦升联、印泥。

家中车来，至晓芙处同枚生小谈。遇叔英。写敬轩信。理归装。施某邀饮，为菊师、彦升、少田留，小住不果，返。厅试初复发，冠军者沈燮均。借馥畴、彦升、步月略谈未畅，返馆借菊师谈至漏三下。

**初十日** 早往彦升、馥畴、叔英、晓芙处。谒屠晋师。菊师要饮，却。署归装，午后返，抵舍已暮。

**十一日** 雨，函招枚孙昆季，并告贷。子谦、梓卿来。读《三国志》。子谦宿留，写彦升代索匾语，挽梅玉如联。

**十二日** 雨。借子谦谈。托湖北高某购苏韩李曾胡集、《说文》于江西。饭后子谦去，写赓虞联、醴泉字。读《三国志》。

**十三日** 雪，入冬以来，是日为最寒。读《三国志》。写字，写叶笙信。

**十四日** 雪霁，更寒。读《三国志·魏志》终。写字。

**十五日** 寒如故。砚池水点滴皆冻，写不能终一字笔即僵。读《三国志》。为菊师作俞太守笠屐图绝句。枚生来。

**十六日** 仍严寒。读《三国志》，不能作书。梓卿来闲谈，写菊师信。

**十七日** 读《三国》，寒不作书。饭后风止稍暖，写汪某联、茅某屏。培哥携菊师信去海。父亲去四甲。写穆如信。

**十八日** 暖。读《三国》。再作俞太守笠屐图诗。写寄菊师、晓芙信。遣张大去通。培哥去下沙。

**十九日** 起写补经别馆信。读《三国》。陆晓沧招饮，未赴。写字。

**二十日** 接织云信。煎六味膏。沈骧云前辈来。叔英自厅试返，小谈去。悉厅案首为沈燮均。梓卿来。接穆如信，悉卷失去。

**二十一日** 写醴泉信。还屏扇诸件。读《三国志》。饭后晓芙、烟萝来。灯余晓棣去，托寄孙小措信。还仪门叔褂款。

**二十二日** 写周子复、吴琬卿信。写吉亭喜联。灯下读《三国志》。

**二十三日** 诣少牧谈。晓芙来，傍晚去。还樵之小条。灯下写彦升、晓芙信。

**二十四日** 读《三国志》。晚诣梓卿。函乞朱小初腊梅天烛。接晓棣复书。写季亮字。

**二十五日** 叔英来谈，饭后馥畴、烟锄、梓卿来杂谈，晚饭后同叔英畅谈。二更就寝。

**二十六日** 写卷子。饭后往叔英馆，偕叔英诣烟锄。夜理旧文。

**二十七日** 晏起，除花树虫蚀。读《三国志》。写季亮字。梓卿代吴某索书。

**二十八日** 往圩角问敬轩疾，略谈。偕石一泉、孙瑶圃观海。有五律一首。晚饭后招杨子青来谈甚畅。宿施氏小楼。

**二十九日** 偕子青、瑶圃、一泉、树亭世丈谈。饭后往海，道由横沙镇，过倪也迁宅略坐。偕子青诣海。至学署，菊师留住，灯后谈诸事，湜辙宵深之乐，程杨片席之欢，无以加也。

## 十二月（除月）

**一日** 早起诣书院，见孙子师谈，领膏火。遇薪甫挽同购物未就，觅子青不值，道遇潘画工小枚。见屠晋师索联，候谈醴泉返署，偕菊师略谈。饭后归。写叶笙信。看方子箴都转题襟馆记。

**初二日** 晏起。裁春帖子，写半未竟，烟锄、叔英、莪门来。饭后天池来谈。灯下读《三国志》。

**初三日** 作《秋风曲》寄小摺。饭后写信。灯下读《三国志》。

**初四日** 往北镇，携小摺信，托蒋鸿远寄去。偕叔英往晓芙处，便访石渠。晤枚生谈史。为晓棣固留。访蜚卿，袁少英处晚饭，复同叔英、石渠、枚生谈。更余，枚生同返晓棣馆宿。叔英宿石渠

馆。是日观《褚河南圣教序》。

**初五日** 早饭后同枚生往石渠馆闲话。与叔英返南，过刘氏略坐，午后至家。接彦升十一月二十七日信、《玉虹鉴帖》两本、次云画梅一帧。灯下读《三国志》。写馥畴信。

**初六日** 临《褚河南枯树赋》。题次云画梅寄翔林。写春帖子，竟读《三国志》。夜觅少枚不值。再观《李白送贺八诗墨拓》及《欧阳信本梦奠帖长吉诗拓》。是日晓棣招饮，未赴。

**初七日** 临帖一开，写楹联。王二泉招饮，同席为阮典史某、少枚、若海、利川，席罢过袁行与春泉谈。遇叔英。晚间为徐某致函馥畴。

**初八日** 写子谦楹联。春泉来、仲厚来。写菊师小条未竟。烟锄来。招叔英、梓卿、仲厚谈至更余去。

**初九日** 写菊师字竟。偕叔英往天池处，仲厚同行。晚间观佛事，珠幢宝灯之间，时有粉白黛绿者往来其际。二更后就寝。与沈晋台略谈。

**初十日** 起同叔英、仲厚观沈氏葬事，旋返。写季亮字。石师来谈。晚间家中招田舍汉饮，为他人事也。石师黄昏后去。微雨。

**十一日** 早，烟锄招饮。叔英、仲厚来。起，早饭后同往烟宅道喜。徐蔼卿、馥畴同席。与馥畴略谈。午后返。文田来。父亲感冒风寒，卧。

**十二日** 早，父仍卧疾，子谦来诊。仲厚来，瞿表弟来。写沈少卿楹联。读《三国志》。

**十三日** 录旧稿，作《题菊师晚节图诗》，写翔林信。

**十四日** “晚节图”脱稿。诣石师谈。遇晓芙，见面只三数语遂作别。馥畴来。同枚生、烟锄略谈。偕馥畴往海问菊师疾、缴字件。至海，同少田、仲瑜谈。晚饭后见菊师。返宿书院，四更就寝。



**十五日** 早，馥畴唤起，为伊致函朱培生金陵。接小播十一月信。取王子师联。菊师处饭。午刻返东。

**十六日** 写徐某联。绍康屏、子谦来。接宋琪、徐沛之信。删旧诗稿。看《炳灵集》。

**十七日** 雨。修葺草堂。灯下读《三国志》。索逋客日满座上，顾穷极胆大，转不以为忧矣。

**十八日** 阴。修葺草堂。写与泽和信。烟锄、仲厚、子谦来。晚饭后，与烟锄畅谈。写俞步青春帖子。

**十九日** 读《三国志》。子谦来，馥畴来。烟锄、仲厚来。谈次烟锄、馥畴旗鼓相当，几至不能相容，谗浪之不可过也。如是观此，又不啻诵金人之铭矣。梓卿来略谈。槃右读《三国志》。

**二十日** 读《三国志》。写汪瑞卿、国祥折扇名片。看《颜鲁公告身》。枚生来，叔英、我门来谈。修葺草堂竣。槃右读《三国志》。改旧诗稿。彦升馈梅饼。

**二十一日** 早往海，为索逋客也。薄暮返。槃右读《三国志》。是时百孔千疮，罗掘殆尽，而未闻有过而为计者，益令我慨然于管鲍交矣！

**二十二日** 读《三国志》。畏寒，卧。仲厚、叔英来，不能起见。黄昏后汗。闻伯厚已抵汴。

**二十三日** 雨。起无事，为石师作“题菊师晚节图”。晚间祀灶。

**二十四日** “晚节图”诗脱稿。叔英来，谈次云秋榜后有言：如树人幸落第耳，设早得志非福也。询其人，叔英不答。噫！非知我者能为是语哉！生平落落，常以不得闻过为恨，不图二三知交外，复得若人，不益使我闻而知警乎！中心藏之，何日忘之。仲厚来索债。欲往烟锄宅不果。槃右写晋师信，稿成。

**二十五日** 早起写馥畴信、菊师信、彦升信。仲厚来。枚生、晓沧来索书，蔡竹塘索书。午后，杨广荫来索书。笔墨之忙，竟

日无暇晷。繁右写海师信，稿成。

**二十六日** 早起，写懋叔信李、砚师、穆如信。倩张大去通。眷海师、晋师信。为梓卿撰联语。沈雪香来，叔英来，同往烟锄宅谈。叔英宿草堂。是夕蒸年餐。

**二十七日** 整旧画。写馥畴信。再索朱小初腊梅。叔英来，假靴。换桃符，祭祖。织云、馥畴来信。托金华带去海师、晋师信。

**二十八日** 烟锄作竟日谈。晓芙函来索书。转浼烟锄写祭神。梓卿来。接海师、少轩、砚师信及遗卷。

**二十九日** 晓棣来，略谈即去。少牧、子翀来浼晋师书联来。接彦升信。繁右读《三国志》。早歇。作村居即事诗未竟。

**三十日** 牙痛。枚生来。痛不能饮食。晓棣来，未逾刻而去。子文来。竟晚而牙痛未已，苦境也，不能作事。除夕句未竟。



## 同治十三年(1874)

### 正 月

**元日** 早起。家中行贺节礼。仲厚来、梓卿来、同往烟锄、石师宅。返至仲厚宅。早息。灯前雅三世叔来，论《玉虹鉴帖》及《永徵碑》。

**端二日** 诣海。送晋师卸委赴省。谒菊师、子师。薪甫处略坐。菊师留饭，薄暮返。接旧同砚徐某信，忆曩时客西亭与其兄沛之从紫师游，最契好，而乃弟固垂髫总角也。今则文字均楚楚可观，惜弃儒而贾矣！意别两载耳，竟迥非昔境，城郭人民之慨，岂欺余哉！为之欣感累日。

**端三日** 微雨。拜节者鱼贯而至。少谷来、子谦来，饭后去。繁右读《三国志》。看“绳正堂”。

**端四日** 仍雨。读《蜀志》终。少牧来，未坐而去。午后梓卿来略谈。拟往叔英处不果。早歇。

**端五日** 约枚生往叔英处，未来。之梓庭师、月溪、墨林、朱湘泉宅贺节。叔英置酒。晚作樗蒲之戏，宿叔英斋，夜深就寝。

**初六日** 早偕叔英往荏君宅饭。茶话片晌，同叔英、枚生、墨林、叔英、荏君之湘泉家略坐。墨林留饮，午后返。翼孙来，知晋师将聘余为记室。约仲厚未来。

**初七日** 早仲厚来。邀秦氏、徐氏、昆季及叔英夜饮。子翀、少牧、叔英拇战甚畅，就中枚生尤豪放，灯红酒绿，惜无银筝催兴者。

**初八日** 石师邀翼孙饮，同往。叔英、子翀、烟锄同席。晚